

A Supplementary Material in Mother Tongue (Cebuano) Grade I

Nagkita Na Gayod

Unang Basahon



Hinikay nila ni:

Francisco Pestaño
Epifanio F. Codilla
Daniel Daclan
Camilo Aliño
Angel Cabulao
Genoveva A. Capacio
Remigia Sison
Estrella Sison
Irene T. Ordoña

Ubos sa pagtambag nila ni:

Trinidad S. Mariño
Pantaleon R. Maboloc
Estela F. Daguiao
Dolores E. Poscablo
Bernice E. Leary (Batid – Tagsulat ug Libro ICA)
Baltazar L. Villanueva
Jose Villa Panganiban
Francisco Candia, Editor sa Bisaya, Liwayway
Publications, Manila

Gidibuho ni:

Efecio G. Gorda



Published by the

LEARNING RESOURCES MANAGEMENT AND DEVELOPMENT SYSTEM (LRMDS)

Department of Education
Region VII, Central Visayas
Cebu City
Copyright 2011



COPYRIGHT NOTICE

Section 9 of Presidential Decree No. 49 provides:

“No copyright shall subsist in any work of the Government of the Republic of the Philippines. However, prior approval of the government agency of office wherein the work is created shall be necessary for exploitation of such work for profit.”

This material has been developed within the Project in the Mother Tongue-Based Multilingual Education (MTB-MLE) implemented by Curriculum and Learning Management Division (CLMD) of the Department of Education Region VII (DepED RO7). It can be reproduced for educational purposes and the source must be clearly acknowledged. The material may be modified for the purpose of translation into another language but the original work must be acknowledged. Derivatives of the work including creating an edited version, an enhancement or a supplementary work are permitted provided all original work is acknowledged and the copyright is attributed. No work may be derived from this material for commercial purposes and profit.

Prepared by:

Francisco Pestaño
Epifanio F. Codilla
Daniel Daclan
Camilo Aliño
Angel Cabulao
Genoveva A. Capacio
Remigia Sison
Estrella Sison
Irene T. Ordoña

Advised by:

Trinidad S. Mariño
Pantaleon R. Maboloc
Estela F. Daguiao
Dolores E. Poscablo
Bernice E. Leary (Batid – Tagsulat ug Libro ICA)
Baltazar L. Villanueva
Jose Villa Panganiban
Francisco Candia, Editor sa Bisaya, Liwayway
Publications, Manila

Illustrated by:

Efecio G. Gorda

This first digital edition has been produced for print and online distribution within the Department of Education, Philippines via the Learning Resources Management Development Systems (LRMDS) Portal by Region VII. <http://lrmds.deped.gov.ph>

Nagkita Na Gayod

Unang Basahon



Hinikay nila ni:

Francisco Pestaño
Epifanio F. Codilla
Daniel Daclan
Camilo Aliño
Angel Cabulao
Genoveva A. Capacio
Remigia Sison
Estrella Sison
Irene T. Ordoña

Ubos sa pagtambag nila ni:

Trinidad S. Mariño
Pantaleon R. Maboloc
Estela F. Daguiao
Dolores E. Poscablo
Bernice E. Leary (Batid – Tagsulat ug Libro ICA)
Baltazar L. Villanueva
Jose Villa Panganiban
Francisco Candia, Editor sa Bisaya, Liwayway
Publications, Manila

Gidibuho ni:

Efecio G. Gorda



ALANG SA MGA BATA

Kining basahona maoy among puhonan kaninyo. Basaha ug ayoha kini paggamit.

Ang mga pag-ugmad sa utokan sa mga batan-on nga sama kaninyo mao usab ang pag-ugmad sa atong nasud, tungod kay ang makinaadmanong batan-on karon mao ang mahimong lider ugma, mga lider nga mamugnaon, maabtikon, ug mabatid.

Ayoha paggamit kining basahona aron ang gasa sa kinaadman nga ania dinhi kapahimudsan sa uban sa sunod nga tuig.


FERDINAND E. MARCOS
Pangulo sa Pilipinas

N.B. - Kining basahona giimprenta ug gisabwag pinaagi sa Terxtbook Production Service, usa ka programa nga gitambayayongan sa pamunoan sa Pilipinas ug sa pamonoan sa TinipongBansa sa Amerika.

Tiaw Lang



“Dali kamo, Trining. Magdula kita,” miingon si Nilo.

“Sige magdula ta, “ matod ni Trining.

“Ping, apil diri sa dula,” miingon si Nilo.

“Unsa mang dulaa, Nilo?” nangutana si Peping.

“Magbuhat ta ug bola nga bonbon,” mitubag ni Nilo.

“Sigi, motan-aw kami, Nilo,” miingon ang iyang mga kauban. Gusto usab sila nga mobuhat ug bola nga bonbon.



Nagbuhat ang mga bata ug bola nga bonbon. Gusto kaayo sila nga magdula sa bola nga bonbon.

“Hala, magbulang ta, Nilo,” matod ni Peping.

“Sigi, magbulang ta,” matod ni Nilo. “Magbulang ta sa bola nga bonbon.”

“Tan-aw kamo uy, Trining, Pilang,” matod ni Nilo ug Peping.

Mitan-aw sila si Trining ug Pilang. Nalingaw kaayo sila. Mitaw sila sa duha ka mga bata nga nagbulang sa bola nga bonbon.

“Ayoha, Peping,” miingon si Trining.

“Kana, ayoha, Nilo,” matod ni Pilang.




“Kang Peping ko!” matod ni Trining.

“Kang Nilo ko! Kang Nilo ko!” miingon usab si Pilang.

“Sigi, ipaligid na ninyo,” miingon si Trining ug Pilang.

Ligid, ligid, ligid, ligid! Pak_ _ _! Nabuak ang bola ni Peping! Ang iyang bola nga bonbon nabuak na.

“Ha, ha, ha, ha!” nangatawa silang tanan. “Nabuak na ang bola ni Peping. Wala na ang iyang bola nga bonbon.”



“Sigi, Nilo. Kita na usab,” miingon si Trining .

“O, hala. Magbulang ta,” mitubag si Nilo. “Magbulang ta sa bola nga bonbon.”

Si Peping milakaw. Wala na lang siya moapil sa ilang dula. Wala siya moapil sa bulang nila ni Trining ug Nilo.

“Usa, duha, tulo!” matod ni Pilang.

Gipaligid ni Trining ug ni Nilo ang ilang bola. Ilang gipaligid ang bola nga bonbon. Gibulang nila ang ilang duha ka bola.

“Hala, ligid, ligid, ligid,” matod ni Pilang. “Hala, bulang na kamo, bola nga bonbon.”



Ligid, ligid, ligid! Miligid ang duha ka bola. Wala sila mabuak.

“Sigi pa, Nilo,” matod ni Trining.

“Pagkuha ug lain nga bola. Magbulang pa kita.”

“Dili kini tiaw-tiaw ha,” miingon si Nilo.

“Dili. Dili kini tiaw-tiaw,” mitubag si Trining.

“Tan-awa ha, Nilo. Buakon ko ang imong bola.”

Gipaligid nila pag-usab ang ilang duha ka bola. Gusto sila nga magbulang ang ilang bola nga bonbon.



Hala, ligid, ligid, ligid! Pak _ _ _!

Nabuak ang bola ni Nilo. Nabuak na ang iyang bola nga bonbon.

“Ha, ha, ha, ha!” mikatawa si Pilang ug Trining. “Nabuak ang bola ni Nilo.”

“Kita na usab, Pilang” miingon si Trining.

“O, sigi, matod ni Pilang. “Ako ang mobuak sa imong bola.”

“Bug-at ang akong bola. Tan-awa, dili kini mabuak,” mitubag si Trining.

“Tan-awon ta lang,” matod ni Pilang. Tan-awon ta ug dili ba mabuak ang bola mo nga bonbon.”



Usa, duha, tulo! Ilang gipaligid ang ilang bola. Wala magkabulang ang ilang bola nga bonbon.

Usa, duha, tulo! Gipaligid na usab nila ang ilang duha ka mga bola. Wala magkabulang ang bola nila.

Usa, duha, tulo! Ikatulo na kining paligid nila ni Trining ug Pilang. Ikatulo nang paligid nila sa duha ka bola nga bonbon.

Ligid, ligid , ligid! Pak _ _ _! Nabuak ang duha ka bola, Nabuak ang duha ka bola nga bonbon. Mikatawa sila si Trining ug Pilang.



“Kami na usab ni Peping,” miingon si Nilo. “ Kami na usab ang magbulang.”

Hain man diay si Peping?” nangutana si Trining. “Wala man diay siya dinhi.


Wala sila makakita ni Peping, Silang tanan nangita kang Peping.

“Peping! Peping!” mitawag si Trining.

“Peping! Hain ka god?” mitawag usab si Pilang.

Wala nila makita si Peping. Nahadlok kaayo silang tanan. Mitan-aw sila sa dagat. Nahadlok sila nga nagtan-aw sa asul nga dagat.

“Peping! Peping! Mitawag pag-usab ang mga bata.



“Adto ta sa ka Lolo Karpo,” miingon si Trining.

“Pangitaon ta si Peping didto.”

“Tana,” matod ni Pilang . “Pangitaon ta si Peping didto.”

Nanglakaw dayon sila. Nag-una nila si Trining.

Nagsunod si Pilang ug Nilo.

Nakakita sila ug bundo. Milihok ang bonbon sa bundo.

Nahadlok sila kaayo nga nagtan-aw sa bundo.

“Hala, unsa kana?” nangutana si Nilo. Naglihok ang bundo, tan-awa.”

Nahadlok kaayo ang ubang mga bata. Wala sila molihok.



“Unsa kaha kini no?” nangutana na usab si Nilo.
Unya, milihok ug mibangon dayon ang bundo nga bonbon.

“Uy! Tan-awa!” misinggit si Trining.

“Nia ra diay si Peping!” misinggit si Pilang.

“Si Peping! Tan-awa, si Peping diay ang mibangon!
Singgit kini ni Nilo.

“Ha, ha, ha ha!” mikatawa si Peping. “Tiaw ko lang kadto uy.”

“Ha, ha, ha ha! Ha, ha, ha!” Mikatawa ang tanang mga bata.” Dinhi ka ra diay Ping, sa bundo?”